

473.

1261 d. 20 Jul.

BIRGER JARLS Privilegier för Handlande från Hamburg.

K. i. 2: 49.

Byrgerus Dei gratia Dux Sveorum viris providis Advocato, consilio & communi Hamburgensi salutem in Virginis filio Jesu Christo. Veniens ad nos nuncius ac Civis vester Dominus Jordanus, Vir providus & discretus, ex parte vestra petivit a nobis, ut cives vestros, ad partes nostras cum mercibus suis venientes, facere deberemus eodem pacis ac emunitatis, quantum ad teloneum non solvendum, gaudere privilegio, quod apud nos habent & habuerunt hactenus Lubecenses. Super quo vobis taliter respondemus, quod pacem, libertatem ac emunitatem de non solvendo teloneo, quo nostrates in munitionibus vestris gaudere permittitur, eandem hominibus, cum mercibus suis ad partes nostras de vestra civitate venientibus, ex parte nostra promittimus vice versa: Ita duntaxat, quod Gubernator navis sub fide sua nominet eos, quos vestrae civitatis cives novit, caeteris suis nautis ab eis separatis, coram Advocato loci, ad quem declinaverit, esse veraciter cives vestros. Quantum tamen ad praedicta, scire debetis, quod si naufragii damnum aliquem apud nos de vestris contingat incurrere, quilibet in naufragio constitutus sine calumnia possidebit illud quod de rebus suis extrahere poterit & juvare. Praeterea si quem extraneum apud nos mori contingat, qui non habeat legitimum successorem, omnes res, quas possidet, redigi debent in scriptura, & sub fidei custodia Sacerdotis, exactoris Regii, ac Melioris, ac majorum de civitate seu loco illo, in quo mortuus est, cum testimonio bono deponi. Et si postmodum infra diem & annum legitimus haeres advenit, literas civitatis de qua est, ac illius Domini, qui praest civitati, secum deferens, per quas constare possit, quod sit haeres, res praedictas integraliter obtinebit. Quod si forsitan infra terminum memoratum nullus venerit, qui sit haeres, ex hoc statim elapso secundum leges patriae devolventur ad fiscum Regium res praedictae. Item si quis pecuniam seu merces suas ad partes nostras cum alio destinaverit, & ille, cum quo transmittuntur, tale quid commiserit, quod poena corporali, vel etiam pecuniaria sit merito puniendus, in hoc casu petivit a nobis idem civis ac nuncius vester, ut salva sibi pecunia sua, qui secum aliquam destinavit, ille solummodo, qui deliquerit, puniatur in rebus suis propriis, vel etiam corporaliter, si tantus fuerit ipsius temeritatis excessus. Et in hoc petitionem suam, utpote multum rationabilem merito censuimus admittendam, cum peccata suos tantum tenere debeant auctores, nec in tali casu sine culpa sua de jure sit aliquis puniendus. Ut igitur omnia praemissa robur obtineant firmitatis, praesentem paginam sigilli nostri munimine fecimus roborari. Datum apud Therno praesentibus ve-

nerabilibus Dominis Laurentio Upsalensi Archiepiscopo, Henrico Lincopensi Episcopo, Karulo Arusiensi, Axero Wexionensi, Rangwaldo Finlandensi ac cæteris qvamlurimis nobilebus nostri Regni. Anno Domini M^o.CC^o.LXI. XIII. Kal. Augusti.

474.

1261 d. 11 Aug.

Askaby.

Bisk. HENRICKS i Linköping stadfästelse på anslaget af Hägerstads sockens Biskopstionde till ett Kanikedöme.

B. 3: 137. *)

Vniuersis christi fidelibus presens scriptum cernentibus H diuina miseracione episcopus lyncopensis. 1) salutem jn domino sempiternam. Quia pro certo didiscimus 2) venerabilem patrem dominum. L. predecessorem nostrum decimam episcopalem de parrochia hæghirstadha jn kind 5) redditibus canonie, quam reuerendus vir felicis recordacionis benedictus quondam episcopus lincopensis numerum canonicorum augere cupiens jbidem fundauerat, jn eaque dominum karolum jnibi canonicum jstituerat adiunxisse 3) perpetuo possidendam sicut in suis litteris plenius apparebit 4), nos factum eius in hac parte ratum jn omnibus 5) & gratum habentes, donacionem memorate decime auctoritate qua diuina permissione fungimur confirmamus. Jn cuius rei testimonium 6) presentes sigilli nostri patrocinio fecimus roborari Datum askaby Anno dominj M^o.CC^o.LX primo jn crastino beati laurencii.

475.

1261 d. 20 Nov.

Rom.

Påfv. URBANUS IV:s tillstånd att under de korta vinterdagarne förrätta mässa och annan gudstjenst i Linköpings Domkyrka vid ljussken.

B. 3: 27.

Urbanus episcopus seruus seruorum dei ad perpetuam rei memoriam Piis fidelium uotis presertim hiis per que fideles ipsi diuinis officiis magis intenti existant libenter annuimus illaque prosequimur fauoribus opportunis Cum itaque sicut exhibita nobis pro parte venerabilis fratris nostri Nicolai lincopensis episcopi peticio continebat. quod in Regno swecie jn quo lincopensis ecclesia situata consistit pro magna parte cuiuslibet anni sint dies adeo breues uidelicet a principio mensis octobris usque ad finem mensis

*) En annan utskrift af samma bref finnes B. 3: 138. med följande olikheter: 1) Vniuersis presentes litteras Jnspecturis He. dei gracia Lyncopensis antistes &c. 2) Quia venerabilem &c. 3) inuenimus annexisse 4) de premissis tillsättes 5) uteslutes 6) Ad horum igitur euidentiam pleniorum presentes &c.